

# Prezidénsia Konsellu Ministrus

VIII Governu Konstitusionál

---

## Komunikadu Imprensa

### Sorumutuk Estrordináriu Konsellu Ministrus nian iha loron 29 fulan-janeiru tinan 2021

Konsellu Ministrus hala'o sorumutuk iha Palásiu Governu, iha Dili, no aprova ona, projetu husi Dekretu Governu, ne'ebé apresenta husi Primeiru-Ministru, Taur Matan Ruak, kona-ba **medida sira ezekusaun estadu emerjénsia nian**, ne'ebé renova ona husi Dekretu Prezidente Repúblika nu 6/2021 fulan Janeiru, hodi hatán ba pandemia COVID-19. Estadu emerjénsia ne'ebé daudaun ne'e renova ona, abranje territóriu nasional tomak no vigora entre oras 00.00 loron 2 fulan-fevereiru tinan 2021 no oras 23.59 loron 3 fulan-marsu tinan 2021.

Hanesan ne'ebé hateten iha Dekretu Prezidente Repúblika nian, haree katak " iha termu global situasaun epidemiolójika hatudu tendénsia agravamentu" no "liuliu evolusaun pandémika iha provínsia indonézia sunda orientál (Nusa Tenggara Timor, ka NTT)", impoin manutensaun konjuntu importante ida kona-ba medida sira ne'ebé prevene importaun SARS-CoV-2 ba territóriu nasional no ninia transmisaun entre populaun".

Dekretu Governu impoin katak ema hotu ne'ebé iha territóriu nasional tenke buka hodi adota no promove adosaun komportamentu distansiamentu sosial, hanesan la partisipa iha fatin sira ne'ebé halibur ema barak, mantein distansiamentu ida pelumenus metru ida husi ema seluk, ho sira ne'ebé mak la moris hamutuk iha familia nia laran, utiliza máskara fasiál ne'ebé taka inus noibun bainhira tama iha fatin ne'ebé taka metin no ema barak halibur malu no fase liman beibeik, liuliu iha kontaktu ho sasán sira, hanesan osan, no bainhira hakarak tama iha estabelesimentu komersial sira ka iha ediffisio sira ne'ebé funsiona servisu administrasaun pública nian.

Individuu hotu-hotu ne'ebé hakarak tama no sai husi territóriu nasional sei kontinua obrigatóriu sujeita ba kontrolu sanitáriu. Sei kontinua mós obrigatóriu ba izolamentu profilátiku (kuarentena) ho durasaun mínima loron sanulu resin-haat no halo teste ba COVID-19 nian, ba sidadaun sira ne'ebé hakarak tama iha país ne'ebé hatudu sintomatolójia husi COVID-19, ka ema sira iha ona kontaktu ho individuu sira ne'ebé infetadu ho SARS-Cov-2. Despeza sira ne'ebé relasiona ho izolamentu profilátiku, sei suporta husi individuu ida-idak bainhira kumpre iha estabelesimentu saúde ka iha sentru izolamentu privadu ne'ebé estabelese husi estadu.

Sei nafatin bandu atu hakat liu fronteira terrestre nian ba fins tradisionál ka kostumeiru nian sira no mós ba asesu merkadu sira ne'ebé regula ona, sei mantein nafatin ba sansaun sira ne'e. Ema estranjeiru sira ne'ebé tama iha territóriu nasional, liuhusi fronteira terrestre sira, nafatin sujeita ba autorizasaun prévia.

Durante período vijénsia estadu emerjénsia nian lisensa hotu-hotu, autorizasaun no aktu administrativu sira seluk no dokumentu sira mantein válidu la haree ba ninia validade prazu nian.

Ajente sira husi servisu seguransa nian tenke sensibiliza ema hotu-hotu atubele kumpre saida maka hatuur iha Dekretu Governu nian ida-ne'e. Ajente sira husi forsa seguransa nian identifika ema hirak ne'ebé la kumpre orden sira ne'ebé fó-sai ona no hato'o keixa ba Ministériu Públiku kona-ba saida maka akontese, no ema sira-ne'ebé viola, sei asume responsabilidade kriminal, tuir regra sira ne'ebé prevee iha Kódigu Penál. Iha kazu infrasaun sei komete husi sidadaun estranjeiru sei partisipa ba Servisu Migrasaun.

Konsellu Ministrus delibera, sob proposta husi Ministru Koordinador Asuntu Ekonómiku, Joaquim Amaral e Ministru Finanzas, Rui Augusto Gomes, **konjuntu orientasaun política sira relasiona ho ezekusaun programa "sesta bázika nian". REMATA**

url: <http://timor-leste.gov.tl?lang=tp&p=26741>